

## Cronica d'ès nosautres

### Lo curat de La Fara o lo Papa ?

L'autre jorn me demandavo coma anavo faire per vos escrire, totas las setmanas, mon petit bilhet. Qu'es pas tant comòde qu'aquò. N'i a que m'an dit, chau nos raconter de blagas, nos amuser daube d'istoaras coma las amavam ben dins lo temps.

Tè, parla-nos dau curat de La Fara e de son campanèir que minjava son lard. Parla-nos dau temps passat, dau bon temps de nòstres vielhs que n'avem la languisson. Parla-nos de las meissions, de las feneiralhas, las eicossalhas, las vendèmias e la tuaa dau cailhon !...

Arresta, arresta ! que per assurat vos parlarai de tot aquò, que ièu mai quand penso a mon oncle que fasiá lo pan dins lo forn que chauffavam daube de fagotas, ne'n siau tot revirat. E èra talement bon aquele pan !

Mas quand m'an parlat dau curat de La Fara, ai pensat... au Papa ! Nòstre Papa de 2010 que l'autre jorn una femna lo faguèt barrunlar. Ne'n volio parlar per far una cronica d'actualitat, aquò presenta melh, fau parlar dau present dins nòstra lingua. Mas coma faire ? Sembla que l'istoara de la femna que fai tombar lo Papa auriá amusat nòstres anciens, qu'amavan tant las istoaras dau curat de La Fara. Doncas povio far una cronica plasenta en parlant d'actualitat e nos serian ben galat. Lo Papa e las femnas ! Plus fòrt que lo curat de La Fara !

Mas d'un autre biais, mi, aquò m'amusava pas talement, que pensavo mai au cardinal ...que se faguèt mau, a la securitat, aus attentats, que n'i a talement dins lo monde que fan pas rire.

Qu'èra mancat, qu'èra pas encara aqueste còp que vos fario rire daube lo curat de La Fara. Per assurat l'eipòca es plus la mema e benlèu avem un pauc perdut lo gost de nos amuser tant coma fasián los anciens.

### Lo Revessin

#### Le curé de Lafarre ou le Pape ?

L'autre jour je me demandais comment faire pour vous écrire, toutes les semaines, mon petit billet. C'est pas si facile. Certains m'ont dit, il faut nous raconter des blagues, nous amuser avec des histoires telles que celles que nous aimions bien autrefois.

Tiens, parle-nous du curé de Lafarre et de son sacristain qui lui mangeait son lard. Du temps passé, du bon temps des anciens, nous en avons la nostalgie. Parle-nous des moissons, des fenaisons, des battages, des vendanges, et de la mort du cochon...

Arrête, arrête, bien sûr je vous parlerai de tout ça, moi aussi, quand je pense à mon oncle qui faisait le pain dans le four que l'on chauffait avec des fagots, j'en suis tout retourné. Et il était si bon ce pain !

Mais quand on m'a parlé du curé de Lafarre, j'ai pensé...au Pape. Notre Pape de 2010 qu'une femme fit tomber l'autre jour. J'en voulais parler pour faire une chronique d'actualité, c'est mieux, dans notre langue il faut parler du présent. Mais comment m'y prendre ? Il me semble que l'histoire de la femme qui fait tomber (baruler) le pape aurait bien amusé les anciens qui aimaient tellement les hitoires du curé de Lafarre. Voilà la chronique amusante que je pouvais faire, en parlant d'actualité, et nous aurions bien ri. Le Pape et les femmes ! Plus fort que le curé de Lafarre !

Mais finalement, ça ne m'amusait pas tant que ça. Je pensais aussi au cardinal qui fut blessé, à la sécurité, aux attentats, il y en a tant et ça ne fait pas rire. Raté, c'était pas encore cette fois que je vous ferais rire avec le curé de Lafarre. C'est sûrement que l'époque n'est plus la même et nous avons peut-être un peu perdu le goût de nous amuser autant que les anciens.